


Executive 日記——張建宗帶實習生同傳媒交流



Executive 日記 - KellyChu 2017-07-13 列印 文字大小



1/2 ■ 嚟自樹仁嘅 Giselle Hon (右)，同埋讀恒管嘅 Jaime So，喺政務司司長辦公室實習。

新一屆政府開局好好，重點工作之一，係加強同傳媒嘅溝通，上周特首林鄭月娥先同傳媒高層中午咬三文治交流，昨日政務司司長張建宗就同傳媒高層一邊食自助餐一邊傾偈，其間仲有兩個美少女陪同在側，原來兩人係政務司辦公室嘅實習生，都係大專新聞系學生，笑容可掬，佢哋都話負責喺政府青年網站發帖，睇嚟政府話重視青年人政策，唔係得個講字，真係畀機會啲後生仔女參與。

張建宗昨日喺午宴發言嗰陣，講到新政府好重視青年政策同發展，希望畀到下一代希望，佢唔係得個講字，真係身體力行，畀青年人機會。現在就有五十幾位大學生喺唔同政府部門做暑期實習生，其中五個喺政務司司長辦公室工作，昨日張建宗就帶同其中兩位出席午宴，等佢哋了解吓政務司司長嘅工作。

呢兩位女仔都係讀新聞系，一個係嚟自樹仁嘅 Giselle Hon，另一個係讀恒管嘅 Jaime So，佢哋笑容可掬，應對得體，負責喺政府青少年網站發帖，例如前晚就寫吓同 DSE 放榜有關嘅文章啦！兩位實習生可以將新聞學知識學以致用，又可以了解吓點樣同市民溝通，同埋跟住司長兩個月學吓，對將來發展好有幫助。

之前張建宗大讚幾個實習生性格開朗、充滿活力同創意，而且對於香港所面對嘅挑戰同機遇非常有

見地，佢昨日仲話希望藉呢啲機會培育多啲政治人才，無論將來係參政定參選都係好事！

Kelly Chu